



МЕСЯЦА НОЯБРЯ В 16-й ДЕНЬ

**Святаго апостола и Евангелиста Матфея
НА ВЕЧЕРНИ**

**Блажен муж: 1-й антифон.
На Господи, возвах:
стихиры на 8, глас 4.**

Подобен: Званный свыше:

Испытуяй сердца человеков, / егда твой Божественный разум, апостоле, / Божественным проведением узре, / от неправды и от мира ты избави; / тогда ты всемирный Свет содея, / вселенныя концы просвещати и облистати повелев, / Егоже и Божественное Евангелие сподобился еси яве написати. / Того моли спасти и просветити души наша.

Иже от мытарства призван на ученичество, / егда ты Безначальное Слово возгласи, / последовати повелев и общение Царствия обещавав, / тогда, всеблаженне, вся оставив / и смущения мятежнаго отшед, / Тому крепко последовал еси / и ныне, Боговидче, насыщаемь, / неизреченнаго Его видения ясно. / Егоже моли спасти и просветити души наша.

Пророческое некое яве острозрение / древле ты, святаго камня, узре, / на земли валяющаяся / и прелестная сокрушающая ухищрения. / Слово же, всеумдре, Ипостасное, / свет ты мира и проповедника правды и истины совершив, / уяснена лучами Трисолнечнаго Света, всечестне, / Егоже моли спасти и просветити души наша.

Пребожественныя мудрости слуго, / егда неприступный Свет прииде плотию, / якоже изволи, /

невѣдения разоряя омрачѣния, / тогда, призываемъ, последовал еси жизнѣнобным повелѣнием / и хранитель Божественный быв паче смысла, / церковный быв свѣтильник, / Матфѣе, Христово обителище. / Егѣже моли спасти и просветити души наша.

Языком огненным прѣлесть попаляя, / явился еси, всехвальне, Матфѣе премудре, / Утѣшителево приѣмъ пришествие, / существомъ тебѣ освещающа, / отсюду удивил еси всяко помышлѣние слышащихъ словес твоихъ, / к людям глаголавъ величества Вседержителя, / и нынѣ во всю зѣмлю изыде твоѣ вещаніе, Богодохновенне. / Егѣже моли вся ущѣдрити поющія тя.

Слава, глас 4. Самогласен:

Зовущу Христу ко ученѣчеству Небесному / усердно последовал еси, Богоприятне, / все упражненіе попеченія земнаго единости отринувъ, / достѣнный бо Горняго Царствія / разумъ благопокорне воспріимъ, / долеревностнаго жителства и славы тѣхъ отступил еси, / благовѣстник от мытаря быв, / свет же во тмѣ сущимъ явился еси / и заблуждшимъ путевождь ко спасенію; / нынѣ же молитвенникъ всего міра теплейшій / и тебѣ чтущихъ, Матфѣе, хранитель спасительный.

И нынѣ, Богородичен: Ёже Тебѣ ради:

Вход. Прокіменъ дне и чтенія 3 (зри страницы 515—518).

Аще изволитъ настоятель пѣти литію, зри сего мѣсяца в 14 день.

На стиховне стихіры, глас 4.

Подобен: Дал еси знаменіе:

Словес твоихъ трубою человеки собрал еси / в Божіе познаніе, приснопѣваеме, / и прелестная собранія от земли отгнавъ, / во едино верныя единомыслие управил еси / и молишися нынѣ от тли и бед избавитися / верою совершающимъ присно честную память твою.

Стих: Во всю зѣмлю изыде вещаніе их / и в концы вселенныя глаголы их.

Ёже языкомъ ты вооруживъ огненнымъ Духа Святаго, / крепка показá ты борца на прѣлесть,

апóстоле, / Христóс Бог наш, / Ёмже приял еси
свётлыя пóчести благодáти. / Егóже моли́ от тли и
бед избáвитися / véрою совершáющим прísно
честнóю пáмять твою́.

Стих: Небесá повéдают слáву Бóжию, / творé-
ние же руку́ Егó возвещáет твердь.

Во глубины́ Дúха приник, апóстоле, / неистоцá-
мое богáтство поразумёл еси́ / и, из Него́ почёрп
благодáть обильную, / нам Евáнгельски всем сию́
раздáл еси́, / и моли́шися ны́не от тли и бед
избáвитися / véрою совершáющим прísно че-
стнóю пáмять твою́.

Слáва, глас 6:

Из глубины́ злóбы послéдняя / к зело́ крайней-
шей высотé добродéтели, / я́ко орёл высокопáр-
ный, преслáвно востéкл еси́, / Матфée
всехвáльне, / покрýвшаго бо Небесá добро-
дéтелию / и рáзума Своегó всю зéмлю испол-
нившаго, Христá / послéдовал еси́ стопáм: / подра-
жáтель, разжжён во всем Томú, явился еси́, /
благовестуя́ мир, жизнь и спасéние / повинú-
ющимся благочéстне Божéственным повелéнием: /
в няже и нас настáви, благоугождáющия
Зиждítелю / и тебé ублажáющия.

И ны́не, Богорóдичен: Творéц и Избáвитель
мой:

Тропáрь, глас 3:

Усёрдно от мы́тницы к звáвшему Влады́це
Христú, / я́вльшуся на землй́ челове́ком за
блáгость, / Томú послéдовав, апóстол избранны́й
явился еси́ / и благовéстник Евáнгелия вселénней
велегáсен. / Сего́ рáди чтим честнóю пáмять твою́,
Матфée Богоглагóливе, / моли́ мýлостиваго Бóга /
да грехóв оставлéние / подаст душáм нáшим.

Слáва, и ны́не, Богорóдичен:

Тя, ходáтайствовавшую спасéние рóда нáшего, /
воспева́ем, Богорóдице Дéво: / плóтию бо от Тебé
восприя́тою Сын Твой, и Бог наш, / Крестóм
воспри́им страсть, / избáви нас от тли, я́ко Челове-
колóбец.

НА УТРЕНИ

**На Бог Господь: тропарь дважды.
Слава, и ныне, Богородичен:
По 1-й кафизме седален, глас 1.**

Подобен: Гроб Твой, Спасе:

Первый Христо́во Ева́нгелие написа́в / и всю просвети́в подсолнечную тварь, / **Матфе́й**, зело́ премудрейший / и Христо́в тайнник изы́щный, / ны́не почита́емъ священными́ пѣсньми, / всем отпущѣния грехо́в про́сит любóвию чту́щим то́го.

Слава, и ныне, Богородичен:

Ма́терь Тя Бо́жию véмы вси, / Дѣву войстинну и по рождествѣ явльшуюся, / любóвию прибега́ющей к Твое́й блага́сти: / Тя бо има́мы, грѣшнии, **Предста́тельница**, / Тя стяжа́хом в напáстех спасѣние, / е́дину Всенепоро́чную.

По 2-й кафизме седален, глас 3.

Подобен: Божественныя véры:

Дѣлы просия́в правове́рия, / все угаси́л еси́ злосла́вие, / победите́ль быв непребо́рен, / Ева́нгелие всем проповѣдал еси́, / Цѣркви вся богáтно украси́л еси́, **Матфе́е** апóстоле, / Христо́му Бо́гу моли́ся / дарова́ти нам véлию ми́лость.

Слава, и ныне, Богородичен:

Божественнаго естества́ не отлúчсѧ, / **плоть** быв во чре́ве Твое́м, / но Бог вочелове́чсѧ и пребы́сть, / **Иже** по рождествѣ Ма́терь Тя Дѣву, / я́ко пре́жде рождества́, сохрани́в всенепоро́чну, е́дин Господь, / То́го приле́жно моли́ / дарова́ти нам véлию ми́лость.

По полиелѣи седален, глас 8.

Подобен: Премудрости и Сло́ва:

Во вся концы́ протече́ му́дрых твои́х глаго́л / я́ко войстинну вещáние, **всехва́льне** Господень апóстоле, / **Боговидѣние** всем я́сно проповѣда / и язы́к неразу́мие в разу́м приведе́. / Тем идо́льское омраче́ние отгна́в, / свет разу́ма во тьме сущим возсия́, / **Матфе́е** **всехва́льне**, моли́ **Христа́** Бо́га грехо́в оставле́ние дарова́ти / чту́щим любóвию святу́ю па́мѧть твою́.

Слава, и ныне, Богородичен:

Яко Дѣву и едѣну в женах, Тя, без семене рождшую Бѣга плѣтию, / вси ублажаем рѣди челоуѣчести: / огнь бо вселѣся в Тя Божества, / и яко Младѣнца млекоу питаѣши Зиждѣтеля и Гѣспода. / Тем Ангельскѣй и челоуѣчeskѣй род достѣйно слауим пресвятѣе Рождество Твое / и согласно воиѣем Ти: / моли Христа Бѣга согрѣшенѣй оставлѣние даровати / поклоняющѣмся верѣю пресвятѣму Рождеству Твоему.

Степенна, 1-й антифон 4-го гласа. Прокимен, глас 4: Во всю зѣмлю: Стих: Небеса повѣдают: Всякое дыханѣе: Еуангелие от Иоанна: зачало 67.

По 50-м псалме стихира, глас 6:

Восплѣщем в пѣснех днесь, вернии, / в пѣмѣти честнаго апѣстола и Еуангелиста Матфея, / той бо, поверг иго и злато мытарства, последова Христу / и проповѣдник Еуангелия Божественнаго бысть: / отнюду же изыде прорѣчески вещанѣе его во вселѣнную / и молит спастѣся душам нашим.

Канѣн Богородицы со ирмосѣм на 6 и апѣстола на 8. Феофаново. Глас 4.

Пѣснь 1

Ирмос: Отверзу уста моя, / и наполнятся Духа, / и слово отрыгну Царице Матери, / и явлюся, светло торжествуя, / и воспою, радуяся, Тоя чудеса.

Богатно подаждь ми всельшуюся в тя благодать, Матфее всеславне и слугѣ Христов, / да воию, светло проповѣдая, / и воспою, радуяся, твоя чудеса.

Весьма оставил еси земных смущѣние, / Слова бо яко услышав воплощагося глас, / и благодати явился еси строитель / и проповѣдатель Богоприятен, Богоблаженне.

Самовидец быв и слуга возсиявшаго Слова, апѣстоле, Превѣчнаго Отца, / и протекл еси, Того пришествие благовествуя всем языком.

Богородичен: Смерти потреблѣние и тли разрушѣние, / Жизни же явлѣние благовестил еси, мудре, / Дѣва бо во утробѣ зачѣнши Непостижнаго и мир обновѣ.

Катавасия: Отвёрзу уста моя:

Песнь 3

Ирмос: Твоя песнословцы, Богородице, / живый и независтный источник, / лик себе совокупльшия, духовно утверди, / в Божественной Твоей славе / венцев славы сподоби.

Твоя апостолы, Слове Божий, светильники показал еси жизни, / мрак отгоняющая безбожия, Владыко, / и Божественною Твоею славою мир весь просвещающая.

Твоим вооружив всеоружием Матфея храбрейшаго, Спасе, / мучителей крепчайша сего содеял еси, Владыко, / и потребителя показал еси идольскийя лести, Человеколюбче.

Языка твоего огненнаго вещание / демонская пожже капища, Матфее Богодохновенне, Параклитов органе, / чрез Егоже Христос проповедается, всех Жизнь Ипостасная.

Богородичен: Труба Богословная, вещающая крепко, / просвети люди, Матфея Богомудраго, / Троицы сияние, паче ума же воплощение Слова из Тебе, Пречистая.

Седален, глас 8.

Подобен: Премудрости:

Во вся концы протече мудрых твоих глагол яко войстинну вещание, / всехвальне Господень апостоле, / Боговидение всем ясно проповедал еси / и языков неразумие в разум привел еси. / Темже, идольское омрачение отгнав, / свет знания во тьме сущим возсиял еси, / Матфее всехвальне, / моли Христа Бога грехов оставление даровати / чтущим любовью святую память твою.

Слава, подобен тойже:

Яко светильника Света и ученика, / яко самовидца Слова Божественнаго вси хвалим тя, Господень апостоле, / ибо, благодатныя твоя мрежи простирая, / словесныя рыбы уловляеши повелением. / Темже и языцы уловляхуся силою Духа, / наставляеми верою, неботайниче всехвальне, / моли Христа Бога грехов оставление даровати / чтущим любовью святую память твою.

И ныне, Богородичен:

Яко Всенепорочная Невесто Творца, / яко Неискусомужная Мати Избавителя, / приятелище яко сущи Утешителя, Препетая, / беззаконию мя суща скверное обителище / и демоном игралице в разуме бывша, / потщися от тех злодейства мя избавити / и светлое жилище добродетелей соверши, Светоносная, Нетленная, / отжени облак страстей, и Вышняго причастия сподоби, / и света невечерняго молитвами Твоими.

Песнь 4

Ирмос: *Неизследный Божий совет, / еже от Девы воплощения / Тебе, Вышняго, / пророк Аввакум, усмотряя, зовяше: / слава силе Твоей, Господи.*

Ипостасному Твоему Слову, Боже, научен, / мирскую мудрость разруши Боговидец ученик, велегласно зовя Тебе: / слава силе Твоей, Господи.

Ублаженному от Христа, / кое благохваление принесем тебе, Богоглаголиве? / не может бо человек цветящая на тебе благодати словом изрещи, досточудне.

Нескверный твой и чистый ум видеВ Высочайший, / якоже свещу на свещник высокий, / сущим во тьме светящую, всем, Богоявленне, предложй.

Богородичен: Умерщвленное естество человеческое, Благословенная, возвысила еси, / яко Высочайшаго рождающая крепость паче естества, всепетая Отроковице, / якоже Матфей научи.

Песнь 5

Ирмос: *Ужасошася всяческая / о Божественней славе Твоей: / Ты бо, Неискусобрачная Дево, / имела еси во утробе над всеми Бога / и родила еси безлетнаго Сына, / всем воспевающим Тя / мир подавающая.*

Благодать прием Всесвятаго Духа, / Божественное обителище показался еси; / Божественно научив Богознания свету, / вверен был догматы Христовы писмены изложити, / яко самовидец Богоизбранный.

**Язы́к твой трость Паракліта бысть, / скорое
избавлѣніе дающаго позна́вшим влады́чество
Его́ / и му́дрых вды́шущаго душамъ разум
Небѣсный, / о Матфѣе всечѣстне.**

**Сіяюща чудесы́ и исцелѣній благодатьми, / тя
Христосъ послá миру, дѣмонскую попира́юща
крѣпость / и ду́ши просвѣща́юща вѣрных, всех
пою́щих тя, міра проповѣдника.**

**Богородичен: Дѣва родила́ еси́ Сына Пре-
вѣчнаго, / в естество́ облѣкшася челове́че-
ское, / якоже научая, Богоглаго́ливый рече́, / и
спасшаго сие́ от тли конѣчною благосты́нею, /
и Дѣва пребыла́ еси́.**

Песнь 6

**Ирмос: Приидо́х во глубины́ морскія, / и пото-
пи́ла мя естъ бу́ря мно́гих грехо́в, / но, яко Бог, из
глубины́ возведи́ живото́ мой, / Многоми́лостиве.**

**Евангели́ст от мыта́рства яко послѣдова Тебѣ, /
претвори́ся Богоглаго́ливый всеси́льною Твоею,
Вседѣтелю, крѣпостию, / Матфѣй всеизряднейший.**

**Управлѣется твоего́ благовѣстія душепита́-
тельными словесы́ язы́ков мно́жество, / возвыща́-
емо к добродѣтелей высо́кому верху́, / о Матфѣе
всеблаже́нне.**

**Матфѣя уловля́ются Богоплетѣнными ученика́
мре́жами / соборы́ вѣрующихъ всегда́, / к Твоему́
позна́нию, Благодѣтелю, наставля́еми.**

**Богородичен: Дѣву ро́ждшую воспису́я, / благо-
веству́ет Тя, вся́ческая Сотворшаго, / без се́мене и
тли, Всенепоро́чная, Матфѣй всеиззя́щнейший.**

Конда́к, глас 4.

Подобен: Вознесѣйся:

Мыта́рства и́го отвѣрг, / правды́ и́гу притя́глся
еси́ / и явился еси́ купѣцъ всеизряднейший, /
богáтство принѣс ю́же с высоты́ премудрость. /
Отонудуже проповѣдал еси́ истины́ слово / и
уны́лых воздвигл еси́ ду́ши, / написавъ часъ судный.

Икос:

**Вра́жїе мучи́тельство нуди́т мя несѣ́тно / и
души́ моея́ все се́мя восхища́ет, / Матфѣе, друже
Христовъ. / Но сам, се́мя моли́тв твои́х дав, / уплоди́
к твоему́ служѣ́нию / и покажи́ мя песнопѣвца**

твоего малейшаго / и сказателя многих твоих и великих исправлений; / и ко Христове любви како, вся абие оставив, / последовал еси тепле Звавшему, / первый быв благовестник в мире, / написав час судный.

Песнь 7

Ирмос: Не послужиша твари Богомудрии / паче Создавашаго, / но огненное прещение мужески поправше, / радовахуся, поюще: / препетый отцев Господь и Бог, благословен еси.

Был еси первого осияния Божественное изображение, / яко ученик Того светлостью распаляемь, / Емуже, поя, глагола еси: / препетый отцев Господь и Бог, благословен еси.

Яко слуга Слова, всеблаженне, / в Божественных обители, идеже Христос обитает, ты вселился еси, / якоже тебе обеща Пребожественный отцев Господь и Бог един всех.

Недужи, Матфее, отгонятся, / и отбегаёт множество демонов / сущими в тебе дарованными Божественнаго Духа, / в нихже пел еси: / препетый отцев Господь и Бог, благословен еси.

Богородичен: Всепетую Деву написал еси Божественными твоими словесы, / Творца всех рождшую, апостоле, / Емуже вси поем: / препетый отцев Господь и Бог, благословен еси.

Песнь 8

Ирмос: Отроки благочестивыя в пещи / Рождество Богородичо спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела / и превозносите Его во вся веки.

Мановеньми, яже в Тебе неослабными, Матфей священнейший обожаемь, / положением же быв, естеством еже был еси, / вселенную, Владыко, привлече пети Тебе: / Господа пойте дела и превозносите во вся веки.

Якоже молнию вселенней, Слово Богослова послал, / мрак убо отгоняющая, языки же просвещающая Богословия догматы. / Темже и пояше: / Господа пойте дела и превозносите Его во вся веки.

Слѡвом чѣстым и умѡм Бог с тобою бесѣдовал
 есть, / тѣну бо яко изсѣкл еси, Тому приближился
 еси / и примесѣлся еси, славно. / Тѣмже и поѣши: /
 Господа пойте делá и превозносите Его во вся
 вѣки.

Богородичен: На благодеяние человеков Слово
 воплотѣтся изволи: / дверь бо дѣвства пройде
 Господь и Богородицу показá. / Тѣмже зовѣм: /
 Господа пойте делá и превозносите Его во вся
 вѣки.

Песнь 9

Ирмос: Всяк земнородный / да възиграется, Ду-
 хом просвещаемь, / да торжествует же Безплотных
 умов естество, / почитающее священное торже-
 ство Богоматере, / и да вопиет: / радуйся,
 всеблаженная / Богородице, чѣстая Приснодево.

Доброты умныя приял еси диадѣму Божествен-
 ную, апостоле, / и Царствия же благолѣпнейшим
 венцем украсился еси десницею Вседер-
 жителевою, / и светишися, мудре, со Ангелы Пре-
 стѡлу предстоá Владыки Христа, всеблаженне.

Древа жизни достойно получил еси, проповѣд-
 ник Живаго Бога, / благовествовав жизнь миру
 Божественное посещение: / садом бо знáния не
 растлил еси ум, / пребыв незыблен и неколеблен
 Церкви степень, всеблаженне.

Невесту Христову Божественно украсил еси
 Евангелием твоим, / яко диадѣмою, Церковь,
 Богоблаженне, / и ныне Божественную твою пá-
 мять торжествует светло, / юже избáвити всякаго
 обстояния и бед лютых моли, Матфее апостоле.

Богородичен: Недр не отступив Безначальнаго
 Родителя, Слово Безначальное, / якоже благове-
 ствует Матфѣй, пиша, / Бог воплотѣся из Тебѣ,
 Чѣстая, Всепѣтая, / в человечь образ всеобразно
 весь одеаяся / и того прием свойства.

Светѣлен.

Подобен: Посетил ны есть:

Сказá нам Божественная чудодѣяния, славный
 Христова Евангелия списатель, / Матфѣй
 Богоприятный, / егоже, любовию чтуще, благосо-
 четанно воспойм.

Сла́ва, ин:

**Мыта́рства ѿго отвѣрг разумно, / Христу́ послѣ-
довал еси́, о Матфѣе Богому́дре! / Следомъ же Того́
чудно послѣдуя, / в прича́стии был еси́ Того́
Ца́рствія / и сла́вы общник, и тайнник неизрече́н-
ных.**

И ны́не, Богоро́дичен:

**Всесвяты́я ру́ки Тво́я, Богоро́дице Де́во, / ѿми-
же Зиждителя носила еси́, / поднеси́ в моли́тву о
нас к Нему́, / ꙗ́ко да изба́вит ны всяких искуше́ний
диавольских / и получи́ти бу́дущих о́ных благ
сподо́бит, Всепѣтая.**

На хвалитех стихиры на 4, глас 4.

Подобен: Дал еси́ зна́мение:

**Просия́л еси́, апо́столе, / светови́ден, ꙗ́коже
со́лнце, луча́ми Ду́ха, / и всю озари́л еси́ вселѣн-
ную, блаже́нне, Богозна́нием, / и отгна́л еси́ мглу
многобо́жия, Матфѣе всему́дре. / Те́мже твоѣ
пресвѣтлое и досточудное днесь соверша́ем
торжествó, / ꙗ́ко исто́чник свяще́ния.**

**На высотѣ седя́ Богозна́ния, апо́столе, / прия́л
еси́ Ду́ха зарю́, / яви́вшуюся тебѣ в ви́де и язы́це
о́гненнем, / всю попали́л еси́ ꙗ́ве нечѣстия вещь
многобо́жную. / Тем тя, ꙗ́ко апо́стола и Богогла-
го́льника, почита́ем, / свято́е твоѣ днесь соверша́-
юще торжествó.**

**Возгремѣл еси́, всему́дре, вселѣнней / уче́ния
свяще́нная и спаси́тельная, / и всю тварь от
идолоне́йствовства очи́стил еси́, Матфѣе, / и про-
свети́л еси́ лю́ди Ева́нгелия светлостью́ми; / ѿдо́ль-
ская же ка́пища разруши́в благода́тию, / Це́ркви
же в сла́ву Бо́жию созда́л еси́.**

Глас 8:

**Восплѣщем в пѣснях днесь, ве́рнии, / в па́мяти
честна́го апо́стола и Ева́нгелиста Матфѣя, / то́й бо
повѣрг ѿго злато́мыта́рства, и послѣдова Христу́, /
и проповѣдник Ева́нгелию Боже́ственный бысть, /
те́мже изы́де проро́чески веща́ние егó во
вселѣнную, / и мо́лит спасты́ся душа́м на́шим.**

Сла́ва, глас 2. Византи́ево:

**ѿго оста́вив неправды / и зла́то отвѣрг
лихо́ймства, / ѿгу пра́вды прите́кл еси́ / и неисто-**

щимое богатство хищяеши, / яко умоимущий купец, / възизменив привременная на вечная / и погибающая на пребывающая, / Богосианный бо и многоценный бисер стяжав, / кесарева кесарю, долу влекущая разумно оставил еси; / и Всецарю удобопокорне последовав Христу, / всю тварь обогатил еси Евангельскими Богоглаголаньми, мудре. / Но испроси и ныне, Матфее преизряднейше, / тя чтущим спасение и велию милость.

И ныне, Богородичен:

Спаси от бед рабы Твоя, Богородице Дево, / яко вси по Бозе к Тебе прибегаем, / яко к нерушимей стене и предстательству.

Таже славословие великое и отпуст.

НА ЛИТУРГИИ

Блаженны апостола от канона, песни 3-я и 6-я. Прокимен, глас 8: Во всю землю изыде вещание их / и в концы вселенныя глаголы их. Стих: Небеса поведают славу Божию: Апостол к Коринфяном, зачало 131. Аллилуия, глас 1: Исповедят Небеса чудеса Твоя, Господи. Евангелие от Матфея, зачало 30. Причястен: Во всю землю изыде вещание их / и в концы вселенныя глаголы их.

Святой апостол Матфей — один из четырех авторов Евангелия Господа нашего Иисуса Христа, Сына Божия.

Евангелие, или «Благовестие», это Божественное откровение о спасении, о великом деле искупления падшего человечества от власти греха Крестной Жертвой Сына Божия, об основанной Им на земле Святой Церкви, открывающей путь к вечной жизни в Царстве Божиим.

Самим Спасителем это откровение наименовано «Новым Заветом» Бога с человеком (Мф. 26, 28).

Под водительством Духа Божия святые апостолы и Евангелисты Христовы, эти «самовидцы Слова» (Ин. 1, 2), изложили письменно историю земной жизни и учение Спасителя, чему они были свидетелями, чтобы передать это Церкви на все времена.

В лице Иисуса Христа явилось в мир Слово Жизни (1 Ин. 1, 1), а потому

и Благовестие Христово есть не только учение или новый Закон Божий, но прежде всего — «сила Божия во спасение» (Рим. 1, 16).

Церковное предание говорит, что четыре святых Евангелиста писали самостоятельно, каждый для своей паствы, сообразуясь с историческими обстоятельствами своей проповеди, поэтому Евангелия углубляют и дополняют друг друга, раскрывая различные стороны Искушительного подвига и учения Спасителя. Древняя иконографическая традиция усвоила святым Евангелистам символы четырех существ, заимствованных из видения Иоанна Богослова (Откр. 4, 7; Иез. 1, 10). Святой Евангелист Матфей изображается с Ангелом, что символизирует мессианское служение Сына Божия, предвозвещенного пророками.

Евангелист Матфей описывает жизнь Иисуса Христа главным обра-

зом как Эммануила — воплотившегося и вочеловечившегося Бога, Небесного Учителя и нового Законодателя (Мф. 17, 5; Втор. 18, 15—18; Деян. 3, 22—33), поэтому в Евангелии подробно излагаются беседы Господа о нравственной жизни (гл. 5—7). Святой апостол Матфей писал Евангелие для христиан из евреев, к «погибшим овцам дома Израилева» (Мф. 10, 6). Он убедительно доказывает, что Иисус Христос есть подлинный Мессия, — «Тот, Который должен придти» (Мф. 11, 3), и другого не будет.

Начинается Евангелие родословием Иисуса Христа, показывающим, что Он есть То обещанное «Семя», или Потомок, Который должен был произойти от известных праотцев избранного народа (Быт. 3, 15; 22, 18; 2 Цар. 7, 12—16).

Святой Евангелист Матфей пришествие и учение Спасителя постоянно согласует с пророчествами о Нем Ветхого Завета, и показывает исполнение всех важнейших пророчеств о Мессии: «Произошло... да сбудется реченное Господом через пророка...» (1, 22; 2, 5, 6, 15, 17—18, 23; 3, 3; 4, 15—16; 5, 17—18; 8, 17; 11, 3—6, 10, 13, 17—18; 12, 17; 13, 14, 35; 21, 4; 26, 54). В противоположность мнению иудеев о Мессии как Спасителе только народа еврейского, Евангелист с особенной силой указывает на язычников, как равноправных членов Царства Единого Бога, пришедшего на землю спасти все человечество (4, 15—16, 24—25; 8, 11—12).

Евангелист Матфей не следует строго хронологической последовательности, особенно в первой половине Евангелия. Сразу же после повествования о Рождестве, Крещении и искушении Спасителя он излагает Нагорную проповедь, хотя она была произнесена на втором году служения Господа. Самой последовательностью событий Евангелист Матфей открывает их логическую связь с учением Спасителя.

Евангелие от Матфея включает также учение о Царстве Божием и Церкви, о внутренней готовности вхождения в это Царство (гл. 5—7), о достоинстве служителей Царства Божия в мире (гл. 10—11), о признаках Царства и его возрастании в душах человеческих (гл. 13), о смирении и

простоте наследников Царства (18, 1—35; 19, 13—30; 20, 1—16; 25—27; 23, 1—28); об эсхатологическом раскрытии грядущего Царства Божия во Втором Пришествии Христовом и в повседневной духовной жизни Церкви (гл. 24—25); о тесной сопряженности Царства Небесного и Церкви в духовном опыте христианства: Церковь есть историческое воплощение Царства Небесного в мире, а Царство Небесное есть Церковь Христова в ее эсхатологическом совершенстве (16, 18—19; 28).

Многие подробности событий и изречений Спасителя сохранены только в Евангелии от Матфея, например, только в этом Евангелии приводятся слова Господа об отношении Его учения к Ветхозаветному Закону (5 гл.), об уклонении книжников и фарисеев от смысла и духа Ветхого Закона (23 гл.) и о судьбе народа израильского — их ожесточении и отвержении (20, 1—16; 22, 1—14), откровение праведному Иосифу о Боговоплощении (1, 18—25); поклонение волхвов, бегство святого семейства в Египет, избиение младенцев в Вифлееме (2, 1—12; 13—15; 16—18); призыв к труждающимся и обремененным (11, 27—30); притча о работавших в винограднике (20, 1—16); свидетельство о землетрясении и Ангеле, отвалившем камень от гроба Господня (28, 2—4), и другие.

Глубины Богопознания, запечатленные в Евангелии от Матфея, были открыты Господом не законнику, не праведнику, а всеми презираемому грешнику. Сама жизнь святого апостола и Евангелиста Матфея свидетельствует, что Господь «пришел призвать не праведников, но грешников к покаянию» (9, 13).

Святой апостол Матфей, именуемый также Левием (Мк. 2, 14; Лк. 5, 27), брат апостола Иакова Алфеева (Мк. 2, 14), был начальником мытарей, сборщиков податей для Рима. Мытари, собирая подати с соплеменников, делали это с большой выгодой для себя. Люди корыстолюбивые и жестокие, они считались у иудеев предателями, изменниками родины и религии. Слово «мытарь» звучало для иудеев так же, как «грешник» или «идолопоклонник». Говорить со сборщиком податей считалось грехом, общаться с ним — осквернением.

И вот Господь остановил Свой взор на презренном мытаре и сказал ему: «Следуй за Мной» (9, 9). Всем сердцем внял Матфей зову Христа, принес глубокое покаяние и стал с тех пор верным учеником Господа. Он раздал свое имение нищим и всюду следовал за Христом по Галилее и Иудее, был вскоре причислен к лику 12-ти апостолов (Мк. 3, 18; Лк. 6, 45; Деян. 1, 13), был свидетелем Крестных страданий Господа и Его славного Вознесения.

После Сошествия Святого Духа на апостолов святой Матфей оставался в Палестине, проповедуя Евангелие в Иерусалиме и его окрестностях. В 42 году по просьбе иерусалимских христиан апостол Матфей изложил письменно дела и учение Христовы. Святое Евангелие было написано на еврейском языке, а затем переведено на греческий.

Вдохновленный повелением Господа: «Идите, научите все народы, крестя их во Имя Отца, и Сына, и Святого Духа, уча их соблюдать всё, что Я повелел вам» (28, 19—20) святой апостол Матфей обошел Сирию, Мидию, Персию, Парфию, закончив свое служение мученической кончиной в Эфиопии.

Эта страна была населена племенами с грубыми обычаями и верованиями. Своей проповедью святой апостол Матфей обращал язычников к вере Христовой, основал Церковь и построил храм в городе Мирмены, поставив епископом своего спутника Платона. Святой Матфей усердно просил Бога об обращении всех эфиопов к истинной вере. Во время молитвы явился Сам Господь в образе

юноши и вручил ему жезл, повелел водрузить у дверей храма. Господь сказал, что из жезла вырастет дерево и будет приносить плоды, а из-под его корня будет истекать источник. Омывшись в воде и вкусив плодов, эфиопы изменяют свой нрав. Этим видением Господь еще раз заверил ученика Своего в том, что его праведное делание принесет плоды. Укрепленный этим знамением, Матфей многих эфиопов привел на путь спасения.

Однако правитель Эфиопии Фульвиан обвинил святого апостола в колдовстве и приказал казнить его. В 60 году святой апостол Матфей принял мученическую смерть на костре. Тело его, оставшееся невредимым в пламени, было положено в железный гроб и брошено в море, но его не поглотила и морская пучина. Ночью епископу Платону в сонном видении явился святой апостол Матфей и повелел ему идти с клиром на берег и обрести там его тело. Выброшенный волнами гроб был с честью перенесен в храм, построенный самим апостолом Матфеем. Пораженный великим чудом, правитель Фульвиан раскаялся, принял Крещение с именем Матфей, отошел от мирской жизни и стал пресвитером. По смерти епископа Платона праведный Фульвиан возглавил Христианскую Церковь Эфиопии и много потрудился, продолжая дело святого апостола Матфея, во исполнение слов Спасителя: «Проповедано будет Евангелие Царства по всей вселенной, во свидетельство всем народам» (24, 14), и «Се, Я с вами во все дни до скончания века, Аминь» (28, 20).



**Святаго священномученика Ипáтия,
епíскопа Гáнгрекаго**

ВЕЧЕР

**Блажён муж: На Господи, воззвах:
поставим стихиры на 6, глас 8.**



Подобен: О, пресла́внаго чудесе:
, пресла́вное чúdo, / я́ко многого́рдья умы́, /
безсту́дно мудря́щийся, посрами́л еси́, бла-
же́нне святите́лю, / Трóйческим ра́зумом
е́реси погуби́л еси́ безбо́жия, / сто́лп бы́сть
право́верен и учи́тель, / духо́вно наставля́я нас /
на Небе́сная течéния свои́ми проповéданияи.

**Укре́плься си́лою Христо́вою, / предста́ судя́ще-
му беззакóнно / и победи́ мучи́теля, многостра́-
стныя му́ки терпя́, / огнём бо тéло твоé иста́емо, /
я́вльшеся, неврédно соблюда́емо, / очища́емо от
Христа́, я́ко зláто в горни́ле, / ныне же лику́еши, со
Ангелы водворя́ся.**

**Оле дивный святите́лю Ипáтие! / ка́плями кро-
вей твои́х, / я́ко звезда́ми Небосия́нными / на
твёрди Церко́вней укра́шен бы́сть, / ты́ бо от души́
возлюбил еси́ Христа́, / И́же, тридне́вно из
ме́ртвых воскресша, проповéда, / Егóже ра́ди по-
страда́в мно́гия му́ки, / и царствуеши с ним, моля́ся
Ему́ за ны́.**

**Оле па́че ума́ моего́ у́жас! / не му́дростию бо
хваля́ся, но любóвию ве́рною, / похва́льную пе́снь
приношу́ ти, / священномучени́че святителю
Ипáтие. / Кíя у́бо досто́йны хвалы́ принесу́ тебе́? /
ка́ко ли изрекú мно́гая тво́я страда́ния? / ты́ бо на
земли́, я́ко Ангел, пожил еси́ / на Небесе́х же моли́ся
Христу́, / да спасёт души́ на́ша.**

Сла́ва, глас 6:

**Сияет днёсь, я́ко све́тлое со́лнце, / честное
торжествó / сла́внаго страсотер́пца Христо́ва
Ипáтия, / и собо́р ве́рных веселится́, / хваля́ пе́снь-
ми Христа́ Бога, / и собо́р беззакóнных
разруши́ся, / ви́дя страсотер́пческую па́мь**

сла́виму, / то́го ны́не пла́чется вселука́вый вра́г, /
мы́ же е́му возопи́ем: / святи́телю Хри́стов Ипа́тие, /
моли́ся Хри́сту Бо́гу о ду́шах на́ших.

И ны́не, Богородичен: Кто Тебе́ не ублажит:

Вход. Прокі́мен дне, чтéния 3, святи́тельская
(зри страни́цы 252—255)

На стиховне стихи́ры, гла́с 1.

Подобен: О, дивна́го чудесе́:

О, дивное́ чу́до! / источник учéния на огни́
испека́ется, / и ле́ствица на́ Небо ме́ч быва́ет, /
весели́ся, Ипа́тие, / Трои́це побóрник б́ыв красе́н, /
не́сть ин, я́коже ты́, / от земли́ святи́тель Богопри-
я́тен, Ипа́тие, / ра́дуйся, с Тобо́ю Госпо́дь, / пода́я
ми́рови ве́лию ми́лость.

**Сти́х: Честна́ прѣд Господе́м / сме́рть преподо́б-
ных Егó.**

О, дивное́ чу́до! / посека́тель ересем на́ уды́
растерза́ется, / и окропля́ется кро́вию Це́рковь
Хри́стова днесь, / ра́дуются земни́и, о святи́ей сла́ве
твоёй крася́щаяся, / мучи́тели посра́млены б́ыша, / и
ве́ра до конца́ управле́на бы́сть, Ипа́тие, / ра́дуйся,
с тобо́ю Госпо́дь, / пода́я ми́рови тобо́ю ве́лию
ми́лость.

**Сти́х: Чтó возда́м Господе́ви о все́х, / я́же
воздаде́ ми́.**

О, дивное́ чу́до! / ре́вностию Божество́нною
разжиза́ясь, святи́телю, / лю́таго зми́я удави́л еси́, /
по Хри́сте кро́вию страда́л еси́, Ипа́тие, / и мно́ги к
Бо́гу привѣл еси́, / и многого́рдья враги́ испро-
ве́ргл еси́, страстоте́рпче, / ра́дуйся, с тобо́ю
Госпо́дь, / пода́я ми́рови тобо́ю ве́лию ми́лость.

Сла́ва, гла́с 6:

Челове́че Бо́жий, / ве́рный ра́бе, слуго́
Госпо́день, / му́жу желáний, сосу́де избра́нный, /
сто́лпе и утвержде́ние Це́ркви, / Царстви́ю
насле́днице, / не премолчи́, вопи́я за ны́ ко́
Госпо́ду.

И ны́не, Богородичен: Богороди́це, Ты́ еси́ лоза́:

Тропа́рь, гла́с 4:

Изволéнием Божество́ннаго ра́зума / вперѣв ум
сво́й в Небе́сныя оби́тели / и ра́вно Ангелом
жити́е пожѣв на земли́, / сего́ ра́ди мучения

красоты венец на своём версё утвердив, / священномучениче Ипати́е, / моли́ Христа́ Бога / спаст́ся душамъ нашимъ.

Слава, и ныне, Богородичен.

НА УТРЕНИ

На Бог Господь: тропарь святаго дважды.

Слава, и ныне, Богородичен.

По 1-м стихословии седален, глас 8:

Идо́льския лэсти низложив, / Спасовы страсти желая, Ипати́е сла́вне, / яви́ся мiрови с Небесé, всёмъ источая чудеса́, / языкомъ бiсть, блаженне, учитель, / тём твою́ па́мьть досто́йно сла́вим, / пэсньми хва́ляще, тебé ублажа́ем, святителю Ипати́е, / моли́ Христа́ Бога греховъ оставлэние даровати / чтущимъ любóвию святу́ю па́мьть твою́.

Сла́ва, и ныне, Богородичен:

Тебé имéю Засту́пницу, Пречистая, / не убою́ся николи́же от вра́г на мя́ востáния, / я́ко Бога рóждши милостиваго, / покрый́ мя милостию Своею, / и́бо к Твоему́ заступлэнию прiсно прибегаю́.

По 2-м стихословии седален, глас 4.

Подобен: Явился еси:

Возсия́в, я́коже солнцу́ заря́, / и блиста́еши, преподóбне, все́му мiру свéтло / учéнии твоими́, Богогласе́ Ипати́е, / светонóсне, мученикомъ похвалó.

Слава, и ныне, Богородичен:

Пречи́стей ру́це Свои́, Дéво Мати́, простёрши, / покрый́ упова́ющия на Тя́ и Сы́ну Твоему́ зовущих: / все́м подаждь, Христé, мiлости Тво́я.

По Хвалите́ Имя́ Господне: припев: Велича́ем тя́, / священномучениче Ипати́е, / и чтíм святу́ю па́мьть твою́, / ты́ бо моли́ши за насъ / Христа́ Бо́га нашего́.

Псаломъ избранный: Услы́шите сия:

По полиелее седален, глас 8:

Премудрости́ Небесней научився / и словесы́ Божественными́ украсився, / я́ко двíжимыя гу́сли Небесныхъ пэсней бряца́я, / обличилъ еси́ беззаконныхъ царей́ нечэстие, / Ария́ же досто́йно посрамилъ

есї, / тѣм пѣсньми воспевáем тѧ, / сияеши бо чудесы, священномучениче Ипáтиє, / моли Христа Бога грехов оставлѣние даровати / чтущим любовию святую пáмять твою.

**Слáва, и ныне,
Богорóдичен:**

Міру Царіце, Царя породі Христа Бóга, / Едінаго Милосѣрда, / молящися непрестай от грѣх и напáстей избáвитися вопиющим Тї: / радуйся, Мáти Бóжия Пречїстая, / человеком спасѣние и ограждѣние.

Степенна, 1-й антифон 4-го гласа. Прокимен: Честнá пред Господем / смерть преподобных Егб. Стих: Что воздам Гóсподеви о всѣх, / яже воздаде мї. Евангелие от Лукї, зачáло 67.

По 50-м псалме стихира, глас 6: Человѣче Бóжий: писана на стиховне, славник.

Канон, егóже краегранѣсие: Слáвнаго Ипáтия пѣсньми венчаю. Творѣние кїр Ибсифа, глас 4.

Песнь 1

Ирмос: Трїстáты крѣпкія, рождѣйся от Дѣвы, / безстрастія во глубинѣ, / души тричáстное потоппї, молюся, / да Тебѣ, яко в тимпáне, во умерщвлѣнии телесѣ / побѣдное воспою пѣние.

Божѣственнаго страдáльца, мýдраго святїтеля, / чудѣс истóчника, пáстыря дóбраго, Церкви утверждѣние / пѣсньми велегласно, яко светїльника всемірнаго, / всї восхвалим, радующеся.

Божѣственная река, наводнївшая, преблаженне, чїстую твою дúшу, / источи нам пречїсты воды, всемýдре, многїх чудѣс, / токи изсушающїя мутных страстѣй, Ипáтиє.

Умертвїв плотскїя слáсти воздержáнием, / жїзнь їстинную — Христа, нас ради умерша, Ипáтиє, / имѣл есї внúть, в души твоей живуща / и вся твоя к Немú шѣствїя направляюща.

Сѣрдце и дúшу Троицы соделал есї несквѣрнен храм, / храмы же священныя Гóсподу в хвалу, преподобне священномучениче, создал есї, / спасїтелен бїв правїтель стаду твоемú.

Богородичен: Спаса и Бога от чистых Твоих кровей воплотила еси, Чистая, / показавшаго нам мудраго святителя своего, Пречистая, / спасительна и тепла заступника, чуднаго воистину Ипатия.

Песнь 3

Ирмос: Не мудростию, и силою, и богатством хвалимся, / но Тобою, Отчею Ипостасною Мудростию, Христэ: / несть бо свят, паче Тебэ, Человеколюбче.

Всём сердцем ко источнику добрых отлучился еси / и отгуду светло богатейшими сияя, отче священне, / Божественными светлостми.

Законы Божественными огражден, / беззаконных соборище силою, отче, Божественною истребил еси ересей, / спасая стадо твоё, отче Ипатие.

От вышния пресветлыя свещи Духа просвещаем, мудре, ноцию преходящим, / свещи ты явша, от воды озаряюще.

Отцев Божественных лик соисполняя блаженный, / егоже собра Христос, Собора Перваго, блаженне, / явился еси, сдвляя пребезумнаго Ария.

Богородичен: Избави мя всякаго прилога сопротивнаго змиина, Мати Дево Чистая, / и сердце моё просвети, / верую Тя славящаго, Всенепорочную.

Седален, глас 1.

Подобен: Камени запечатану:

Возсиял еси в мире, святителю Ипатие, / чудесы просвещая верно приходяция к тебе, / пострадав же кровию, мудре, / множае присвоился еси Христу / и ликуеши со Ангелы на Небесех, о нас моляся. / Слава укрепльшему ты Богу, / слава Венчавшему ты, / слава Деющему тобою всем исцеления.

Слава, и ныне, Богородичен:

Руце Твой Божественныя, / имиже Создателя понесла еси, Дево Пресвятая, / воплощагося благостынею, простёрши, / умоли Его избавити ны от искушений, и страстей, и бед, / хваляция Тя любовью и вопиющия: / слава Всельшемуся в Тя, / слава Прощедшему из Тебэ, / слава Избавльшему нас Рождеством Твоим.

Песнь 4

Ирмос: Седяй в славе на Престоле Божества / во облаце лёгце, / прииде Иисус Пребожественный / нетленною дланию и спасе зовущия: / слава, Христэ, силе Твоей.

Нелестно слово и учение искренно соблюдая, / проповедал еси Слово, Отцу Соприсносушно, / Ариомудренную прелесть победив, священномуучениче, чудотворче досточудне.

Горчайшая от гор текущая воды / знамением токмо цельбоносны показал еси, / воду живу стяжав в сердца твоём, / в вечную, отче, жизнь текущую.

Священствовав преподобно и законне пострадав, / священство показал еси светльшее кровью излиянными / за любовь Истоцившего Кровь честную за человеческое избавление.

Не укосневши благодать на тебе, чудеса содевающи, / бесом горьким предаде горько и безбожно умертвивши тя, / всеблаженне мучениче Христов священнейший.

Богородичен: Дарований Твоих струй, и истоциницы исцелений, / и Божественнаго богатства раздаения подаваются от живоначальных длани, Богоневесто, / рождагося от Твоей утробы Вседержителя.

Песнь 5

Ирмос: Ужасошася всяческая / о Божественней славе Твоей, / Ты бо, Неискусобрачная Дево, / имела еси во утробе над всеми Бога / и родила еси безлетнаго Сына, / всем воспевающим Тя / мир подавающая.

Ума превосходит твоея благодати постижение, / язык изреци не может твоих чудес безмерныя пучины, / мучениче святителю и пастырю, / Гангряном удобрение и светильниче всея твари.

Убил еси змия, огню препослав, / показал еси в тебе Божественную благодать, богатейше всельшуюся / и тя пред царем и всеми прославльшую людьми, священнейше.

Печать и хранителя сокровищу вообрази, отче, царь твою икону, / сею почитая ты и яже провозвещая, / яко приносимая честь на первообразное преходит, Ипатию.

Вельми подвижася, вельми и прославися, чудеса совершая священнообразно, / недуги отгоня, прогоняя бесы, упражняя сих наветы, / побеждая ересей губительное зломыслие.

Богородичен: Мудрость родила еси Божию Ипостасную, Пречистая Дево Богородице, / святая всемудры показавшую, / темже злобы мудреца паде шатание и лютая злоухищрения.

Песнь 6

Ирмос: Пожру ти со гласом хваления, Господи, / Церковь вопиет Ты, / от бесовския крове очищися / ради милости от ребр Твоих / истекшею Кровию.

Возшел еси на высоту добродетелей, Ипатию, / и приблизился еси, блаженне, / к честнейшему источнику Божественных дарований, / и чудес пучину источил еси.

Венец тебе каменей метания быша, / и к Небесней высоте и степени, отче, / и лествица, еюже возшед, и Богу присвоился еси яснейше.

Исцеления твоя рака источает присно, / благословение же, отче, честныя твоя персти приемлемо, / известно, яко прах, истневает злобу.

Законне пострадав, и яко мученик почествовался еси, / во глубочайшей же старости к твоим прешел еси, радуясь, отцем / и венец твоих трудов приял еси от Христа достойно.

Богородичен: О, чудесе всех чудес новейшаго! / яко Дева, во утробе всяческая Содержащаго / неискусомужно заченши, не тесно вместити.

Кондак, глас 2.

Подобен: Архистратизи:

Римскому отечеству светильник, / Богозарными лучами концы светя, / ныне просвети твое празднество поюция, Ипатию, / прося свыше мира и грехов оставления, / молитвами защити ны, Ипатию многострадальне.

Икос:

Уяснив ум свой, мучениче, / аки солнце, мудре
 пройде всю вселенную, / зарями Божественными
 освящая, и разгна еретический мрак, / Симонова
 же волшебства отмеща и лесть прогна бесовскую,
 святе, / исполняя останки Петра и Павла. / С ними
 же сподобися прияти благодать духовную, / ейже
 и нас сподоби, поющих тя, Ипатию многотра-
 дальне.

Песнь 7

Ирмос: Спасий во огни Авраамския Твоя
 отроки / и халдеи убив, / яже правда праведно
 уловляше, / препетый Господи, Боже отец наших,
 благословен еси.

Уста никакоже на тя отверзе ползаяй змий, /
 раболепно же на огонь идяше, / повинуюся, присно-
 памятно, страшному повелению твоему, / отец
 наших, — вопиюще, — Боже, благословен еси.

Кровей пролитием, еже от слез совокупль, /
 едино от обою пиво мудре совершил еси, / тебе
 поминаему пищному, досточудне, потоку во веки,
 мучеником похвало.

Во цветник честных болезней твоих входяще,
 блаженне, / благоухаем душу, благовоние тя Хри-
 стово ведуще, и вопием, Ипатию: / препетый Господи,
 Боже отец наших, благословен еси.

Богородичен: Неискусобрачная Чистая, без
 семени зачэншая Отцу Единосущнаго / и рождающая
 плоть, Богоневесто, от святых кровей Твоих, /
 молящи ныне не престаи спасти вся.

Песнь 8

Ирмос: Отроки благочестивыя в пещи, / Рожде-
 ство Богородичо спасло есть, / тогда убо
 образуемое, / ныне же действующее, / вселенную
 всю воздвизает пети Тебе: / Господа пойте дела / и
 превозносите Его во вся веки.

Глас твой, свету срастворився, и Божественны-
 ми осиян светлостью, / тьму ересей, всеумудре,
 разори / и ко дню направи Православия люди,
 вопиющия: / Господа пойте дела и превозносите
 Его во вся веки.

Краснейший, яко трость, явлься, язык твой, всеумдре, / написа закон благодатию, / вся на дсках ветхия поглаждши образы, Ипатию, / темже ты яко мудра книжника песнословим во вся веки.

Столп огнен Божественный и к высоте Небесней вземлемь, / забрало непреклонное, стена неразорима, / Церкви утверждение, святителей степень, / мучеников красная лепота, / чудотворный Ипатий да почтен будет.

Видети сподобился еси, Егоче желал еси, / разрешшимся истины въявлением и умышлением: / еще бо дышаючи и теплей крови каплющи, к желанию последнему, мучениче, востекл еси, / с мученическими и преподобных лики Божественными ликую во вся веки.

Богородичен: Многими содержимаго бедами и молвою греха бедствуемаго, / к безволненному стремлению тишины Духа, Богородительнице Чистая, Владычице, мя ныне настави: / пристанище бо еси христиан, / темже Тя поем во вся веки.

Песнь 9

Ирмос: Ева убо недугом преслушания / клятву вселила есть, / Ты же, Дево Богородице, / прозябением чревоношения / миру благословение процвела еси, / тем Тя вси величаем.

Яко шипок, яко крин священный сладковонен, святителю, / яко кипарис, яко миро Божественно и благовонно, / рака твою благовонствует чудесы, / злосмрадные недуги отгонящи, священномучениче всечестне.

Собеседник явился еси пророков, / мучеников же священных кровию уже добре скончавшихся, / святых и преподобных равностоятелен / и всех праведных сопричастник, сущих от века, досточудне.

Память твою днесь нам возсия светлейши солнца, / светом невещественным сердца наша просвещающая, / верую ты в ней блажащих, Ипатию, / и молебн восхваляющих тя.

Светом твоим озари наша, Ипатию, помышления, / совершающих твою память Божественную и светотворную, / и избави огня, и муки, и всякаго

искушения мольбами твоими / благочестно ты блажащия.

Богородичен: Возвыси благодать твою, Чистая, / возвеличи мольбу и приведи чины Ангельския, Владычице, / апостолов же и пророков лики и вся праведники с мученики, / яко да спасемся, чтущии Тя.

Светилен:

Удивися всяк разум подвигом страдания твоего, блаженне, / ты бо в плоти сый, яко безплотен, / многоразличныя муки терпя Христа ради, / царя нечестие обличил еси, / сего ради хвалами ты воспеваем.

Слава, и ныне, Богородичен:

Животнаго сада Отрасль многоплодна процвете нам, и Ходатай Небеснаго веселия / из чрева Твоего, Пречистая, изсушающаго сады безбожия / из корене, Богоневесто.

На хвалитех стихиры, глас 1.

Подобен: Прехвальнии:

Яко древо плодовито, мудре, / во дворех Бога нашего насажден, Ипатию, / и вся насадил еси душ Божественными плоды подвиг твоих. / И ныне к Богу отшел еси, / тем молися даровати душам нашим / мир и велию милость.

Добре возделав, мудре, / данный ти талант, / и в радость вшел еси Господа своего, / и ныне света наслаждаешься, / и, радости присносущия исполняясь, / молися даровати душам нашим / мир и велию милость.

Мучения кровию / одежду священства своего, мучениче, / светло украсил еси, / и в Небесную Церковь сведен бысть, / и, со Ангелы всегда Христу Богу предстоя, мудре, / Егоже и ныне моли даровати душам нашим / мир и велию милость.

Слава, глас 6:

Благий рабе, верне, / и делателю винограда Христова, / ты тяготу дневную понесл еси, / ты даннаго ти таланта исправил еси, / вниди в радость Господа своего, Ипатию, / и противу труду твоему мзду приял еси, / тем Небеса со Ангелы радуются на память твою, / с ними же и мы,

просвѣщшеса чудесы твоими; / празднество твоё сотворяюще, / молим тя, глаголюще: / радуйся, чудотворче Ипатию, / от крове твоея источая / быстрины спасения Божественнаго учения, / и обретеса еретиком страшен, / и духом прогонитель, / тем предстои со Ангелы у Престола, блаженне, / молися Христу Богу о душах наших.

И ныне Богородичен: Никтоже, притекаяй:

Славословие великое и отпуст.

НА ЛИТУРГИИ:

Блаженны канона, песни 3-я и 6-я. Прокимен: Честна пред Господем / смерть преподобных Его. Стих: Что воздам Господеву: Апостол ко Евреом, зачало 311, от полу: Братие, не о себе кто: Аллилуия, глас 2: Священницы Твои облечутся в правду, / и преподобнии Твои возрадуются. Евангелие от Иоанна, зачало 36. Причастен: В память вечную:

